

Piniarneq aallaaniarnerlu pillugit Inatsisartut inatsisaata allanngortinneqarneranik Inatsisartut inatsisaat (Piniaqatigiinnermik aqutsisussamik toqqaasarneq, kiisalu Piniarneq pillugu Siunnersuisoqatigiinnik pilersitsineq)

§ 1.

Piniarneq aallaaniarnerlu pillugit Inatsisartut inatsisaanni nr. 12-imi, ulloq 29. oktober 1999-imeersumi, Piniarneq aallaaniarnerlu pillugit Inatsisartut inatsisaata allanngortinneqarneranik Inatsisartut inatsisaatigut nr. 11, 12. november 2001-imeersukkut allanngortinneqartumi, makku allannguutigittinneqassapput:

1. § 8-p kingornanut ikkunneqassaaq:

"§ 8a. Piniaqatigiinnernut atatillugu piniaqatigiinnermi aqutsisussamik toqqaanissaannut peqatigiiffiit kattuffillu Naalakkersuisut piginnaatissinnaavaat.

Imm. 2. Piniaqatigiinnermik aqutsisup piniaqatigiinnermi peqataasutut allatut piniaqatigiinnermut peqataanermut piumasaqaatit qaqugukkulluunniit atuuttut naammassisimassavai."

2. § 16 ima oqaasertaqassaaq:

"§ 16. Naalakkersuisut Piniarneq pillugu Siunnersuisoqatigiinnik pilersitsissapput kattuffinnit suliffeqarfinnillu piniarnermit aallaaniarnermillu attorneqartunit ilaasortaaffigineqartumik.

Imm. 2. Naalakkersuisut Piniarneq pillugu Siunnersuisoqatigiit inuttalersugaanerit ilaasortaasalu amerlassusissaat pillugit malittarisassiussapput.

Imm. 3. Naalakkersuisut pisussaapput suliassani nalinginnaasuni § 2, imm. 3-4, § 4, § 7, § 8, imm. 1-2 kiisalu §§ 9-10-mut tunngasuni Piniarneq pillugu Siunnersuisoqatigiit tusarniaavigissallugit.

Imm. 4. Taamaattorli Naalakkersuisut apequtini imm. 3-mut ilaatinneqartuni kinguartinneqarsinnaanngitsuni Piniarneq pillugu Siunnersuisoqatigiinni ilaasortanik tamanik allakkatigut tusarniaatitsisinnaapput. Allakkatigut tusarniaaneqartassaaq siunnersuisoqatigiit isummerniarlutik ataatsimiissinnaanngikkaangata."

§ 2.

Inatsisartut inatsisaat 15. april 2003 atuutilerpoq.

Namminersornerullutik Oqartussat, ulloq 15. april 2003

Hans Enoksen

/

Simon Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut